

鉛山縣志卷六

建置

建極會歸金湯擁護鉛邑偏隅雉堞完固蕉水西流
匯石磐渡社稷明禋仰松柏樹雷雨風雲幽明贊助
効順百靈亭尊

上諭毓介公堂戈森武庫鎖院掄才風簷獻賦古寺尋幽殘
碑訂誤熒獨嬰孩仁幘依附顯秩幽光崇坊表著往
昔來今悉關掌故輯建置志

城池

鉛山舊無城池宋以前基在暇樂園知縣張謙亨因民之

鉛山縣志

卷六

建置 城池

一

請遷入楓樹嶺之南從大金山發脉而北大抵以洪水
故至明乃就今基洪武元年二月千戶蔣奎築城延袤
四里七十二步有奇崇二丈東西南三面鑿池繚城下
闊四丈深一丈北因河為池門五東曰仁壽西曰義和
南曰嘉會北曰麗澤西北曰水門皆覆以樓周城設敵
樓五巡警舖四十九正德十四年為霪雨所壞知縣鄭
懋德修之十五年復為雨壞知縣杜民表重築嘉靖三
年知縣朱鴻漸修復如故明末復圯

國朝康熙十八年知縣潘士瑞重加葺焉池舊三面接河環

城後東河障塞不南通乾隆三十八年知縣吳纘姬從

民請築堤注水南行尋雨溢冲塌田舍甚多堤復壞

公廨

上諭亭在縣治右雍正十三年建知縣何西堰以義學易其

地前朝門左右廊房中朝修參殿內

上諭亭每逢朝賀合節文武員弁隨班朝賀宣講

聖諭

縣署枕城北唐大德中建其制莫考宋嘉祐間知縣黃永

存修葺大有堂易名無訟劉輝有記失載紹聖間知縣

蘇堅重修東堂顏曰養志

蘇堅記 余到官越明年縣治之東堂壞既更新矣乃以養志名之背丙曼容養志自修為官不過六百

鉛山縣志

卷六

建置 公廨

二

石輒免去有清名於後余嘗慕之此堂之由名也夫安習常見迷不自覺徒恃貪嗜榮利遂欲無厭而不知足不辱余故端量分限悼無厭之貽患信知足之蒙福出處茲堂不廢自警庶乎曼容之見微而息倖進苟得之心也倘吾邑君子未過予言以躁競有害於性廉約或幾於道仕於朝者在進而知退處於鄉者見得而思義超然遐觀遠脫悔吝則予之為邑雖乏古人之遺愛顧不為無所遺者耶

紹聖十年知縣韓邦俊建絃歌堂於政事堂之西

馬永卿記 語天下之樂而聲之正者莫如琴語天下之治而近乎民者莫如絃故云聲音之道與政通然則能知琴者其知政乎是故絃無太急太急則焦殺而失其平絃無太緩太緩則弁勞而不可聽政無太猛太猛則下有離心政無太寬太寬則下有慢志然則將如之何曰貴於緩急寬猛得其理而已雖然此猶可以言而傳者耳而未極於妙也必也不之以天輔之可以人得之於手應之於心蓋有不傳之妙出

於不言之表然後為至若止緩急寬猛之間何其淺
淺也哉鉛山在州之南八十里蓋新奧之區也其鎮
湖山其浸大溪而地壤膏腴風物閑美是故君子之
為吏隱者亦且樂為之紹聖九年五月鄱陽韓公來
斯字民下車之初以為琴既不調必解而更張之於
是決壅滯翦荒蕪鍼膏肓去稊稗焚膏繼晷夜分乃
寐如是者凡數月而後罷俄而屈者伸鬱者明頗者
平而人皆得此情於是父詔其子兄教其弟婦勸其
夫咸曰有賢令尹如此奚忍負之是宜深自慶幸仰
承美化無或作為頑嚚自取責罰歸為宗族鄉里羞
弄年之後乃至無事可治無訟可聽而民風太和矣
公既嘉邑人之安已且喜吏治之多暇也乃即政事
堂西作為新堂華不及侈質不及陋乃速僚友而落
之有客舉手而言曰賢哉令尹能成茲政循哉邑人
善服其化是真可以絃歌而治也請以為堂之名雜
然稱善其後數月僕歸自二泐謁公於斯堂公曰榜
名無記子盍為我言之僕謝不能既不獲命輒為說
曰有世俗之琴有君子之琴焦尾綺桐玉絃霜鐘此
世之寶琴也若夫君子之琴則異於是以虛靜而為
絃以應變而為指以守法而為徽以六經而為譜以
建置公解

鉛山縣志

卷六

三

孔孟而為師然後正身靜念端坐而鼓動乎文絃則
疆梗服矣意在高山則風俗安矣意在流水則惠化
深矣噫是琴也不過一再行其政和矣此絃歌之明
效也今韓公之所鼓即君子之琴也原其所以致此
者雖其善政不可枚舉試舉其要而言之蓋在於虛
心乎嘗聞昔有鼓琴者及門而反矣且意斯感則聲為之
動心焉聞琴聲者及門而反矣且意斯感則聲為之
變况於為民師帥者乎雖一嘆一笑之微而百里之
休戚係之然則虛其心者蓋絃
歌之本歟可不慎哉可不念哉

清熙六年知縣蔣仲永建極目樓於署內額曰極目野處

元季俱燬於兵明洪武元年知縣卬木仍舊址重創外

為正廳左右介為庫房次左為幕廳前有露臺臺上有

甬道立戒石兩廡分置吏舍外設儀門門之外左獄右

廊又外為譙樓正廳之後為後堂堂後中為令解左為

丞解右爲簿解左前爲典史解儀門之外有土神祠諸制悉具而稱嘉靖二年知縣朱鴻漸建鑑心亭於署內

邑人費宋記 亭之建臨池在縣令衙署之西雲溪朱侯退食所也名以鑑心取水德也水之止於池者澁澁其清以照人毛髮可數有鑑之體焉常人以鑑形君子以鑑心形之惡孰與心之惡而於此有鑑不鑑者係乎見不見也語曰君子之所不見是故觀物而人之所不見乎以其所見觸其所不見是故觀物而必察諸已也常返觀而內照也微瑕隱隱無所容留彼厲精明可以常繼是故德可久業可大節立不墜於終功成不著於後君子憂勤之心將無時而可忘乎善乎朱侯名亭之意其憂勤之所爲也水之爲物也有貴清而賤濁凡有好惡之情者同也於水且然於人獨不然乎抑人之不可失其所貴也尤甚於水而心之所藉以應物者豈真如水而已邪臨清流之泱泱而有感焉肖德於此則可喜反德於此則可愧思齊也亦或以自省也退食之所惕然憂勤之地也嘗觀侯之所以比德於水者而知亭之不徒名矣堅

鉛山縣志

卷六

建置 公廨

四

貞之志誠於中而形於外修潔之操皎於雪而瑩於冰水之潦盡而清徹也明睿炳於幾先融光燭於遠近宿蠹藏奸不待摘而自服民情物隱惟所觸而莫逃水之體明而照遠也斷如金而令在必行懷若秋霜威無不震其水之陵險阻而不回乎政平而人各得其所欲心仁而澤究於下流回生意於焦枯稱斯民之怙恃其水之潤萬物而功溥施乎後之臨斯亭其亦可以鑑夫侯名鴻漸字于磐嘉靖辛巳進士雲溪其別號云

正德十三年知縣杜民表重修嘉靖六年知縣鍾城重修其後知縣黃中復修萬曆十七年知縣袁九皋繼修二十九九年知縣顧天敘建觀我樓於治內門左王安鼎有

記四十四年知縣筮繼良重修

王安鼎記 四壁有詩凡三楹入窗軒豁大類吳中之規而四壁編籬塞堊雜以塗泥則猶不雕無求美

也蓋禮初之志取義在觀之九五曰觀我生而象申之以觀民夫我生即為民生而觀我之為觀民也一登臨之頃惓惓不忘民社之觀有先憂後樂之思焉

國朝康熙八年知縣吳士恆重加鼎建至十三年譙樓儀門

令解兩廡及寅賓館俱燬於寇二十年知縣潘士瑞修

建四十六年知縣夏景宣重修乾隆四年寅賓館傾圮

知縣胡天健倡募重建乾隆四十五年大堂譙樓朽壞

知縣鄭若玉捐俸重修咸豐七年署為賊燬同治七年

知縣馮蘭森勸捐重建

縣丞解在縣署左久廢道光二年縣丞朱路捐俸闔邑士

民捐貲置買民地房屋重建 文廟右

鉛山縣志

卷六

建置 公廨

五

主簿解在縣署右今裁有思遠樓記逸其姓氏

記畧云三衙劉公縮來為鉛山簿獨健於事者姦宿吏有不能欺鄉民稅產之籍先在官者吏或出入之以為利公皆挾摘無所遺乃籍都保之近遠紀人家之眾寡括稅之有無杜差排之避免用防交易之私且去門屏之害不勞不訟民受其利新籍既成吏姦悉屏暇之日同官相與約日彼此欲有所考將惟沉佚是虞請以青囊往來為識竟則復歸其初何如公日願更為樓載之以傳後又何如同官莫不曰善於是鳩工擇材為樓三間茲役也豈為游觀設哉鉛邑數多水患簿廳視他所尤漥下方春漲溢奔走踴避今設斯樓將使水至而升高則私室有所便事至而視成則公家有所補一事兩利公之思遠矣樓成未幾公以秩滿當去問名於僕屬使為記僕為之名曰思遠因撫公所欲道者終始之凡僕所言蓋成公志而莫或損益云

尉解在縣廳後宋縣尉馬子嚴闢齋以望鵝湖朱子過之

名以好仁韓元吉作銘

韓元吉銘 學至於仁而已乎仁者人道之正而道之所可見也故曰仁也者人也合而言之道也是道也夫子語之顏淵而其心始可不違其餘告弟子或舉其一端也孟軻氏沒千載不能明近世先儒始有發焉雖然知之不如好之好之不如樂之蓋亦有漸云爾建陽馬子嚴莊甫於其尉舍關齋以望鵝湖高峯而其鄉先生朱元晦過之以表記仰止之意名以好仁蓋以其靜者俾其徒鄉而習焉可謂善觀於山矣莊甫又欲予銘將志而不敢忘夫君子之學固在於不忘也其進而至於樂者就禦哉為之銘曰天之蒼然地之隕然人居其間有是道焉其道伊何克已而復復則無忘茲為其目何以命之厥惟吾仁物由於生惟明在人操之則存念之作聖取譬於山其一而靜好而不學蔽焉亦愚宗而至無豈吾之徒內形諸心外施之事邈然四海罔不來暨有山在前室惟其常出入其居囑而勿忘

典史廨在縣署前久廢道光三年知縣王之道奉文重建

鉛山縣志

卷六

建置 公廨

六

於縣署之右咸豐七年廨燬於賊同治七年知縣馮蘭

森勸捐重建

湖坊巡檢司向在石佛寨萬厯間移駐河口

國初仍之至乾隆三十六年奉文改駐今地

河口公署

分防同知署在河口一堡官山沿乾隆三十九年奉文建

河口署康熙己未知縣潘士瑞置買民地房屋為之雍正

五年因契存府闔邑里民復去價銀七十八兩六年闔

邑里民復買署後民地三片屋一所以拓署址立石署

旁以傳不朽

公所

察院司在縣治東歲久傾廢嘉靖間知縣陳坦修葺門外地令民造屋十八間歲取地租修理今久廢

布政分司在縣治西天順六年僉事四明宋儒建亭於後名曰翠筠久廢

府館在縣治北門久廢

陰陽學在縣治外之左

醫學卽惠民藥局在縣治前之右久廢

僧會司在麗澤門外天王寺中

道會司在嘉會門外元妙觀中

鉛山縣志

卷六

建置 公廨

七

稅課局在嘉會門右久廢

稅廠在縣治西三十里九龍關久廢

申明亭在縣治西

旌善亭在申明亭左

戒石亭在儀門內中道

接官亭在東關外地名小市里今廢

迎送亭在傍羅埠宏治初知府陳廷璉建今廢

武署

都司署在縣城東

千戶所在縣治西

文廟右明洪武間本所正千戶蔣奎

建成化千戶孫鵬徐勝相繼修葺正德千戶徐卿重建
明末廢

把總署向駐防城守署在縣治西北隅久廢今駐防河口
考棚

邑舊無考棚凡應童子試者常從事於縣署几席之制弗
能備也而假賃攜負摩肩撐突勞苦之狀難堪乾隆丙
戌知縣劉承業惻焉謀諸邑士大夫購署右曠地數十
畝建立校士館東西考舍各十八間棹椽共一百有八
號大堂五間內署七間東西俱有廂房頭門三間儀門
三間橫屋二間門右土地堂一所悉如制

鉛山縣志

卷六

建置 試院

八

邑人蔣士銓序 先王於眾人中而稱之曰士養之
教之馴習而優游之豈惟使其僅別於齊民也哉蓋
將有以收其用而為佐理平治之儲也夫天下材智
強勇之人得其教足以踐三才之道察萬物之理失
其教遂至詭行而亂世邪說以誣民故約之于詩書
禮樂之中範之于倫常名教之內寬其力役養其廉
恥若恐有毫髮累之以傷其心與力者亦謂庶幾拔
十得一足以應賢良之選焉夫是以待之如是其優
且重也自徵辟薦舉之多弊其制不能行於後世不
得已以文章求之於是志聖賢者與志功名志富貴
雜進以就試而試各有宇舍几席之制在京省者曰
貢院在列郡者曰學院皆所以厚待貢舉學校之士
使弛其勞安其身庶幾出其才與力以得盡所能而
藉徵其蘊蓄之淺深惟童子試於邑宰者無有定制
試之日各假賃几席負挾趨縣署錯列堂廡階所間
風日雨雪或不能避薄暮又各荷戴之摩擊踐踏奪
門而出或昏黑不能返其主家暴擲街巷益以散失
賂償之苦嗟乎一几席也既足以耗平旦清明之氣
又不免竭既衰疲憊之力秀眉孱軀名雖未入膠庠
而他日公卿大夫之選要皆出於其中夫珍梓杞梗

桶者重厥萌葉育鴉鷺鳴者弗遺雛卵苟為愛惜
人才計又何不可於國家經制之外稍為變通而
謂讓之耶吾邑同人好義釀金既建凌雲之塔藉培
地脉今復斟酌募緣創營考舍必使緣有餘金工無
浪費請諸父母官長擇地之勢可以容納千人鼎力
創建如再不足另於應試之期勸諸生足之是役也
有益于子孫無干于妄舉好義趨風樂成不日迄今
以往吾邑後起之彥幸各體此意讀書敦行以求進
於古醜儒名世之林則自待之重庶無負國家養
士之隆亦可借答吾邑先生長者扶持愛護之雅意
爾云

道光二十二年考棚墻屋頽敗知縣吳林光修建

同治三年匪踞鉛城焚燬考棚暖閣四年知縣祥安募捐

修建

壇廟

鉛山縣志

卷六

建置 試院

九

社稷壇

在縣治西北二里東西長二丈五尺南北如之高
三尺四出陞各三級壇下前十二丈東西各五
丈緣以周垣右社左稷以石為主長二丈方一尺刻
其上倍其下半埋於壇上正中上露圓尖舊有神厨
三間在壇西庫房三間在神厨西南宰牲房三間在
庫房西北洗牲房在宰牲西前明洪武八年知縣張

原創

風雲雷雨山川壇

在縣南二里洪武八年知
縣張原創建與社稷壇同

厲壇

在縣治北郊三里地名高山
門洪武八年知縣張原創建

先農壇

在縣治東三里沙園之中坂知縣王炳旦奉文建
神壇一所東倉西庫祭器全備雍正五年知縣張

崇樸奉文置籍田四畝九分
坐壇前蒞池一口坐壇左側

城隍廟

在縣城東東洋橋外洪武三年知縣卞木建嘉靖
間知縣尹賓修康熙四年知縣劉泗重修甲寅傾

圯十九年知縣潘士瑞創建雍正三年乾隆四年先
後修葺二十七年知縣劉承業重修嘉慶年間知縣

正泉之集紳士周烈鄭

上牧陳書昭等募修

蔣士銓記 按說文城以盛民也城池之無水者曰
隍蓋城與隍乃民所以借衛者一邑之神名號是憑
其義為可通吾邑界閩越之間地土沃衍風俗醱柔
人之秀良者讀書循理無所弛之為樸訥者安於耕
鑿無桀騫之習山川清美材木竹箭翦然交蔭巖壑
中伏臘蜡祭俎豆報禮誠敬無忒神斯土者其彰瘁
予奪較他邑自多簡逸其亦顧而樂之乎廟在東郊
建於洪武三年時代屢遷興廢相嬗規模之宏隘且
數數易其制乾隆壬午之夏邑侯率士庶重新之門
若干楹堂殿兩廡若干櫺雖氣象崇廣遜於前代所
記而神之嚴威儼恪洋洋乎肅然昭格之間者古今
如一焉明年冬落成越二歲乙酉七月邑人礪石屬
予記於戲吾邑盛衰之故惟神知之邑人之善惡邪
正惟神悉之神之靈爽昭然在天豈斤斤責備官室
崇卑牲牢豐潔乎哉書曰儀不及物曰不享斯役也
無刑驅勢迫剋期集事是吾邑之人必有不吝已於
心者乃踴躍赴功借答神貺於萬一則精誠感通神
其享之矣又何吐焉於戲山川落落然人民井里以
建置 壇廟

鉛山縣志

卷六

十

恬以嬉或有潛滋之蠹賊陰憑之鬼域顯肆之蜂螫
神必驅之以奠吾民則衛民之名義可與高城深池
同茲永庇矣爰作迎神送神之曲附後 神吾父母
兮棲於幽宮赤子奠居兮靈宇攸崇靈旂來兮鼓逢
逢躋神堂兮父老雍雍神歆悅兮實能容保我黎民
兮神其有終 迎神 神職斯土兮送何之饗祀成禮
兮吾民退而神駕周巡兮民無怨咨法令弗及者神
力是施曰城曰隍義可思神

吾父母兮聽此祠送神

按郡邑城隍廟皆在城內惟鉛邑遠在東關中隔蕉
水見者怪之種種附會在形家又謂鉛山地形自聳
碧尖蜿蜒七十里至鳳凰山岡下融結一大陽宅乃
建縣署自烏石尖蜿蜒五十里至楓樹隴過峽融
結一大陰宅乃建城隍廟其信然歟存此質疑

關帝廟

在文昌閣前康熙二十年知縣潘士瑞捐俸買民
地拓址重建五十四年知縣施德涵重修乾隆二

十年知縣廖珩因木柱易朽易以石勸捐鼎
建門外有井曰古忠義泉知縣潘士瑞額

文昌宮

在 上諭亭東忠義祠前進嘉慶
二十三年知縣談有本改建今址

余燮暄記 道光二年冬燮暄奉 徽攝鉛山學篆
明年二月適與祭文昌宮甫入門見其穹隆壯麗
遙望殿閣間柱石屹然金碧交輝益肅然起敬又一
年卸篆將歸邑侯王春如先生方續修邑志留暄襄
其事時邑紳詹君南薰周君文宗程君華玉朝夕過
從三君子固建文昌宮時董事者嘗為余述其經
營始末並謂自改建以來科目盛於曩時一日手一
冊出示乃當年縣尹談勸捐小引欲略記其緣起載
入志書曰辭不獲謹按天官書魁斗戴六星曰文昌
宮其四曰司命六曰司祿則文昌乃六星之統名而
說者謂實有其人即詩所稱孝友之張仲神產於梓
潼生為忠臣孝子歿為神司桂籍故科舉之家咸奉
焉文信國作龍泉梓潼祠記已取其說 國家右文
稽古懷柔百神嘉慶辛酉六年 詔天下郡縣建
文昌專祠春秋二祀有司承祭其儀注悉視 武廟
典至鉅也鉛舊有 文昌宮在忠義祠前規制狹隘
稽拜難展二十三年 文昌宮在忠義祠前規制狹隘
攝邑篆下車遍謁 祀典各祠至是獨慨然曰治民
所以神令之首務是區區者曷以肅廟貌受 神爽思
建置 壇廟

鉛山縣志

卷六

十一

與合邑紳耆謀勸捐別建聞者悉解囊恐後未幾侯
回原任去即真者為旌德汪公建侯之舉而欲適觀
厥成也復序而德德之不數月約捐洋錢壹萬餘元
於 上諭亭東市民地數畝乃相其陰陽度其隰原
選材鳩工卜日構造逾年功竣仍額曰 文昌宮從
其朔也宮凡三進中為正殿塑 神像居之七寶莊
嚴不止繡闥雕甍而已殿內外柱悉磨石為之殿下
苑翼以兩廡前有廊廊兩旁有房為行祭者駐足所
後一進稍左東向以祀 帝君先代輪焉奐焉無美
不備真足以稱 上意昭 祀典闔宮之詩曰新廟奕
奕奚斯所作美營建也繼曰孔曼且碩萬民是若順
民心也談侯此舉不誠知先務為急歟是役也計費
洋錢壹萬貳千餘元固侯倡始之功抑亦諸紳踴躍
趨事之誠宜乎科名之盛遠過疇昔落成後有樂輸
租田為經久計者若祝廣南邛秀元吳文遂共捐租
貳拾畝零諸君子又慮其無以善後也爰僉派舉人
劉光瑜余璘職員詹光焜程師曾祝秀椿周鼎貢生
程璨陳光燭監生丁勇行生員劉煦堯劉光浩十一
人輪值經理美哉未雨綢繆可
並書矣 甲申六月穀旦謹記

文昌閣

左縣治左址係程姓捐助甲寅兵變廟閣傾圮知縣潘士瑞捐俸重建并置田租二十畝瞻香火乾隆四年知縣胡天健因樓宇庫陋適圖新未成罷去七年知縣鄭之僑捐資告竣傑閣三層規模宏敞與鐘樓並峙為一邑巨觀

縣治東建文昌閣由來舊矣康熙己未歲邑侯潘公鼎新之已而復圯乾隆己未年前令胡公治其事且增高焉工甫興即解任歸田歲庚申春月潮陽鄭公以名進士來宰我鉛政清民和萃邑之秀者昌明學業鵬湖書院延師講道呈課藝而甲乙之洵文運一大昌期也我朝風教振肅文治詭中外故京省郡邑神靈凡有關世道人心者奉以祠宇隆以樓閣輪且負哉公蒞任來弊革利興諸善政不勝舉要獨注文教之重辛酉秋目擊文昌閣數椽粗就風雨危之爰鳩工落成歲校多士其中茲癸亥春邑乘纂輯館於是是造上右文閣之有閣禮教也由茲耳濡目染應有淹貫異書降太乙之精下而觀者初胡公耳形家言有利於閣之意巨觀不成公雅以正學光斯地則閣之名不虛立且恐後以官解僧院變建置壇廟

鉛山縣志

卷六

十三

其址為樹之禁以垂後所見大而遠矣况乎茲閣勝概畫棟流丹雕甍映碧山光樹色暮雨朝雲呈露於窗櫺几席之間登眺者具作賦才是又文章一內庫也傳諸奕禩觀其閣而公之善教存是為記

萬壽宮

在城內學宮左嘉慶十九年貢生程之瑞募緣易地鼎建一在縣西三十三都

火神廟

為鉛苦火知縣袁九皋創建未竣萬曆三十一年知縣吳一麟重建廟宇在常平倉門左四十年

祭於斯廟今已革其陋規康熙五十四年知縣施德涵重修

東嶽廟

在縣治西百步許萬曆甲寅石棟明建康熙戊午巡撫董衛國抵縣親征山寇捐資重修五十五年

重修五十八年告竣乾隆四十二年紳士周烈鄭逢春各捐足錢壹百千文倡建增廣舊址移廟南向規

制一新翰林

龍王廟

前在二十五都龍門第一關寒石嘴萬曆丁未歲大旱鄉人禱之立雨廟廢今建在石井庵

轟神廟

在右所廳後洪武二年千戶蔣奎置後千戶徐卿重修今廢

馬王廟

在城北鐘樓之右乾隆年間都司張雲鵬重建

張雲鵬記周禮校人春祭馬祖註馬祖天駟即房宿凡夏官所掌養之井牧賦之叩乘分隸於大僕馬賁園師園人者潔泉豐草除蓐釁廐涼房次墻至詳且備所以重馬政謹戎事也今邦國郡邑文武所屬祠宇皆有馬王廟蓋驛傳戎兵相為表裏未可偏廢余自已丑仲夏來蒞鉛營瞻謁茲廟僅存像設荒基頽塌鞠為茂草也久矣予心怒焉未甯莫能經費既而與紳士相接論及之咸欣然樂助明年遂庀材鳩工堂殿軒楹翼翼以新雖神靈默啟有憑苟非都人士生長熙時好義赴功之勇安能不日告成於戲鵝湖界閩越之區泉香草肥恭際太平之世閭閻富庶士馬飽騰鼓角分明夜營不閉而執駒攻特簡練從容孰非享神陰佑之福也哉使如前代倉皇武備防禦折衝則邦人雖欲安其富厚也得乎予於紳士捐輸雅意故特表之豐碑而列其姓氏於左使後來知所觀感焉是為記

鉛山縣志

卷六

建置壇廟

三

天后宮

一在縣東關外一在河口一堡一在紫溪一在港東一在陽村一在陳坊皆于雍正十一年奉勅春

秋致祭其在東關者里人沈知恭捐助十都井邊大塘池田租拾玖担正虎頭龍池家口田租柴担正袁紹謨捐助十六都林家坊田租柴担正吳楊氏捐助十六都中洲上田租叁担正吳祝氏捐助十都高塢上田租柴担正橫坂吳惜字會捐助十都水尾坵童家背梅花坵社公前等處田租拾六担柴斗伍升石亭廟在縣治東萬厝間知縣張邦亨建亭內建有關帝廟里人置田租五十五担瞻香燈每歲壽誕祀焉觀音閣在縣治北隅萬厝間知縣袁九臯建舊名鐘樓以內供大士像遂易今名堂頂構樓瓦三層極高聳置巨鐘其上每晨昏撞扣聲甚洪亮城內外更次起訖俱以為準鉛之入景此其一在紫溪市去縣南四十里

邑人張麟徵詩寶蓮高結紫雲端翠黛嵐光面面巒十里鐘聲聞靜夜四時溪綠映闌干邑人張舟泊舟鉛山城下聞鐘詩夜怪儂船上水遲金錢卜已近歸期誰知城外聞鐘客猶似寒山半

夜時 故國週遭認麗譙山橫北郭石欄橋傳名何
必同丁卯纔得詩人住一宵 笛聲何處奏伊涼吹
入江風夜正長酒醒不眠
衣怯冷半鈎殘月滿蓬霜

天花宮 向卽北極宮在縣治西報本坊內中祀真武祖師
東祀文昌帝君西祀天花聖母萬曆甲辰年建

關聖廟 在縣治西街報本坊右故鉛山所建康熙間頽圯
總兵蔡瑋重修鉛營朔望拈香歲值壽且祀之

北極殿 在縣治城
西威德坊

玄帝廟 縣治五城俱有被匪燬其四今祇水西門內尚存
南關城內於同治七年閏邑重建一在南街乾橋

頭同治九年重建一在北關獅子埕下西清坊
桂坊一在北關獅子埕下西清坊

蓋竺廟 在縣東關大街嘉慶五年闔坊重
修一在縣西三十六都蓋竺嶺

葛僊宮 在縣東關外麒麟山乾隆三十九年甲午士庶鼎
建邑人沈知恭捐六都社公前田租叁担正十都

官塘塢塘塢尾窰
前田租柒担正

鉛山縣志

卷六

建置 壇廟

古

五通廟 在縣東入都路旁以廟名其地去縣東
十里一在十三都劉墩去縣東四十里

仙姑廟 在縣東四都外雄田
仙姑山去縣東十里

女城廟 在縣東二十五里女城
山孔仙姑結庵於此

張將軍廟 在縣東三十里石塘鎮將軍名熹五代
間駐兵於此歲時水旱鄉人禱之輒應

奎文閣 在縣東三十里石塘水口里人潘煌
祝江鮑鸞等捐建崇祀 文昌帝君

靈順廟 在縣南百五十步宋紹聖三年建傳神姓趙名迪
有道術由漢至梁猶存宋元豐間賜廟額曰仁濟

見通志

朱公廟 在南關外南門坑一在北關暇樂園北極殿一在
西關外花橋埕一在縣南紫溪一在西鄉埠一在

縣西雙門石一在石佛寨
一在大源山同治八年建

高祖廟 在縣南一都嵩止
頂去縣南三十里

總姑廟 在十八都去縣南四十五里

伍員廟 在縣治西北康熙三十三年癸酉邑令王廷對建廟前石橋舊有亭今圯

石磬三官廟 在縣西北石磬渡口乾隆間周烈倡建內立胡任周義渡碑記

昭烈廟 在縣西二百五十步祀唐張林宋紹興中勅封忠靖威顯靈佑英濟王元至正改封護國忠靖威顯

景佑真君賜額 忠節見通志

金龍廟 在西關外基址軍地中有石柱亭周烈倡建一在縣西港東西洋坂

晏公廟 在縣治西三里許居西關水口上為一縣之福地中迎晏公英烈侯王明隆慶間士民捐貲費以數

千筋銅鑄元帝像一尊崇奉其內萬歷間重修康熙間知縣王廷對重建雍正七年知縣張崇朴增廣其

制樓閣煥然一新載入祀典歲值誕辰令必親祀之前明縣合宜公附祀其上公宰鉛惠民愛士多善政

士民懷之立祠以祀且斂貲置田以奉祀事後為豪家侵漁祠亦圯今僅存田十二畝因附祀斯樓公畫

鉛山縣志

卷六

建置 壇廟

五

白菜鑄於石自書其上云為民父母不可不知此味為吾赤子不可令有此色石碑存於廟亦足見惠愛

之一 班焉

金泉廟 在縣北五里舊號鎖山門湧瞻泉歲興浸銅之利久廢

神寶廟 在縣西五里舊號楊梅山通天平水鉛精廟乾道七年提點坑治官汪瑒奏乞將鉛山之神修創廟

貌寵以封爵得旨依後本司契勘本廟歲興鉛利春秋預祭八年賜額久廢

雙南廟 祀銅山神久廢

孫直言移銅山神文 生民大命曰桑與田其次濟世厥惟貨泉貿易有無國用之先聖人創法建府惟

團歷代制度不能相沿肉好輕重改革變遷流布同贍其功一焉地或愛寶民財乃愆古今所倚即山同

軌在昔吳王富埒天子蜀治之饒世傳鄧氏皇宋統御海宇萬里上供郊廟下豐邊鄙制用之宰惡約務

侈主計之臣或相倍蓰效取百塗罔知窮已惟茲鉛山信之屬邑岡阜綿綴傍勢環岌地鐘靈祥銅苗萃

集居民採鑄寢焉積習備諸鑪範何嘗缺給番七十年歲供月入攻峯鑿齋于櫛萬級越自近歲干戈弗戢調實費繁須求益急爰有儒士善寶所請闢利開源首蒙詔許予本地官獨當其舉今我來斯薦更年序晨夜疚心莫違安處珍藏雖啟績最未彰惟水之道編木為梁厥泉之蒙其流湯湯力役所至日月深長自春徂夏或昧或光文符督促疾若星翔弗遺遠郊謂玩官方灼有利害誰云究詳損極受益剝盡升陽事窮而復物理之常跨山之垠廟像鼎新捐額大署曰銅之神一歲二饗費及國緡行者過者肅瞻侶儉是蓋有望祈祐於人何為敬寶重困邑民方謝炎毒適肇霜秋風氣所宜可即深幽明靈儻助必知其求依人降福無起神羞

雙溪殿

在縣西四十里居港東水口

夫人廟

在縣西上港市去城七十里

泰石仙娘廟

在縣西四十九都水美洲道光十八年城南劉添壽金瑞祥等建廟旁添造涼亭名曰五

鉛山縣志

卷六

建置 壇廟

六

亭里

見龍廟

在縣西七十里荆林街首嘉慶間鄭姓建

新菴廟

在縣西五十都石佛寨

平浪王廟

在北關城外河沿土名秦家壩乾隆三十年劉亮珍等募建其廟基秦翹翰助一在五都河背

一在石塘鎮河背

仁聖廟

在北關大街中

天君廟

在北關獅子衙內

葛仙廟

在北關外蔣家園乾隆六十年乙卯士庶倡建今地附祀天王寺內一在西關東嶽廟內一在陽村

楓樹嶺沙田一在湖坊一在紫溪

雷神廟

在北關社稷壇右

花亭廟 在北關服樂街供祀許真人道光一十六年丙午里人丁有源高琴聲陳修為等倡捐重修一在北

背翳站

哪吒廟 在北關服樂街花亭巷內

江公廟 在北關哪吒廟右

孚惠廟 在縣北一里許宋天聖元年建祀晉石敬純見通志

平水廟 在縣西裡花塘

仙娘廟 在二都安洲仙山即徐仙姑結庵處

高山廟 在鵝湖山峯頂劉煇謝雨文入藝文

桂宮巖 在縣北五里鵝湖山第三峯歲旱禱雨立應

鵝湖府君廟 在縣北十五里宋嘉祐八年建以宋縣在北為之鎮山知縣方仲禮禱雨有應因建祠祀

鉛山縣志

卷六

建置 壇廟

七

焉之

劉輝記 東南倚穀為命俗鮮儲蓄歲以小歉食直翔踴瘠瑾相望故為政者重之嘉祐八年農值始畢越月不雨圳塋涸於洿裂根之深者欲焦葉之敷者欲焚農民戚驚竭蹶旁午邑大夫方君仲禮反躬咨政額蹙心惻案圖謀考祠廟率藪妖谷鬼憑木恃湫是豈能嘘雨而禦炎哉顧鵝湖為鉛山之鎮而府君廟鵝湖之嶺風雨之職必神尸之乃齋滌乘曉封牲躬禱迥轅山麓澤已濡足及稼之茂也早曠如初再禱之其應如初稼已穗矣又早禱焉亦如初民以是知大夫之勤且誠而府君之靈且仁如倡而和之者如須而供之者怡愉詠歌意若不足退而交相哀金願易祠宇昔之溢窳者新塏昔之歇仆者端闕仗衛之冗散者嚴雅丹蘄之黜剝者渥澤新廟既成合樂落之欲記經始僉以命某某日以災閔雨以誠叩神大夫賢乎以靈答成以功蘇災府君神乎協志悅輪以昭尹賢以報神休斯民有知乎故秉筆不讓

鐵樹宮

在河口一堡道光元年一堡士商鼎新重建

三官殿 在河口一堡同治八年闢

壽世庵 在河口一堡即朱公廟乾隆甲辰年分憲陳澧率二堡士商林萬全汪學先等重建

荊州社廟 河口一堡道光三年韓姓重建

許真君廟 在河口官埠頭創自前明二十五都張費韓楊等姓重建一在縣西湖坊街一在縣西黃荆林街中一在縣南紫溪

蕭公廟 在河口三堡道光三年鄒際霖等邀集昭武士商重修

太保廟 相傳明初葉盛為神有邊功軍士立祠祀之因大水流此顯跡廟在河口市邑人費熙之捐貲獨造

火德廟 在河鎮四堡徘徊橋同治九年饒太史倡捐闔鎮重建

張王廟 二十五都地名大王潭久廢舊有碑被寇燬潭下成化間里人重建王諱崇唐昭宗時帥廬州平定淮南以功進封忠定侯自金陵徙居泗川公卒有靈驗邑人葉慶良立祠祀之今仍舊址

鉛山縣志 卷六 建置 壇廟 六

廣濟廟 在縣西北三十九都港西洋即朱丹溪先生廟先生名顯先代已加勅封生平給藥救民惠濟四方明萬德化同羅李二姓捐建助田七畝六分咸豐間邑侯張公伴山祈禱母疾捐廉百餘兩修葺殿宇十一年被匪焚燬同治九年萬志高萬離照萬俊士復同羅李二姓勸捐重建一在三十九都汪二渡街首

豬亭廟 在豬亭山宋宣和間建祀漢豬亭侯李恂之神

牛王廟 在縣西七十里湖坊道光三十年建縣令李公莚有序勒石廟側事詳序中

程公祠 在河口三堡即判官廟向誤為鬼判後經邑侯李筠垓查明永平州判程公養全因更今名

黃中生祠 王宗沐記 嘉靖壬戌秋八月余適粵道出太末里鉛山諸生徐仕正張乾浩江鯤謁余而言曰鉛鄙邑而當孔道土瘠民病去監司稍達今惟其浚我而或不帟席焉膏忌吾民自有識來迄今惟遂昌黃侯宰鉛三年豐功深仁浹洽鉛民往邑人曾圖於太保歐陽文莊公論次遺愛勒之石然民共思不置願像而

王宗沐記 嘉靖壬戌秋八月余適粵道出太末里鉛山諸生徐仕正張乾浩江鯤謁余而言曰鉛鄙邑而當孔道土瘠民病去監司稍達今惟其浚我而或不帟席焉膏忌吾民自有識來迄今惟遂昌黃侯宰鉛三年豐功深仁浹洽鉛民往邑人曾圖於太保歐陽文莊公論次遺愛勒之石然民共思不置願像而

組豆焉已相與樹木於學宮之旁祠成而先生適至
 聞黃侯又素與先生善其忍無言余羈辭之不獲及
 度鉛進士與民而告之曰余嘗長藩臬按次百官知
 平天下之具無先守令然今之選令與為令者何其
 異也孔子之告莫先於民事其門人弟子三千人行
 成德備可以試之民者不能一二數獨漆雕開嘗使
 之仕猶以為未信為辭意其必有求之於已而未足
 齊之於事而未合者而季氏欲宰閔子避之汝上子
 路之使子羔孔子以為賊之然則弟子既不苟居孔
 子亦不為易使其汲汲於仕者雖如冉求之自謂三
 年足民至其後也鳴鼓而攻之武城單父亦僅免於
 督過以無負於明體適用之教而所謂入人之豐功
 深仁使人朝夕思焉不置者孔子未嘗及也夫治人
 莫先自治使其學足以視身然後用足以立政此漆
 雕開所謂未信誠未可以襲取而強得也漢時最重
 令其史氏所謂循吏亦可焜耀於後然或以劇世而
 蒞之猛或以盜奸而倚於術揆所施張不軌於聖人
 之道此其為能吏而其政則未免高張而急徽吾懼
 民之不勝再鼓也事於學者足淑其身又及於民則
 三代直道之公雖愚而神故凡才力強毅智數博捷
 用以濟事應科條可矣而奈何能使其民孚契慕戀
 不忍舍去朝廷之勸懲有時而不逮而士民之不戮
 既去而尤難然則其信於民即其自信者邪予是謂
 平天下無先守令而孔子不易以使人者非過也黃
 君固浙產其為學以致知為入門涵揉溫粹不見畔
 岸而於強毅博捷者亦未嘗不濟其間拊摩其民不
 啻如其子而經營其事不啻如其家至於冒蹈罪嫌
 以與鄰邑爭常供躬躬力儉以節冗費禁奸綴善平
 易真實無復眩節耳目而浹洽於心髓爾士與民今
 而後信黃君之為令也君去此且十多年初亦自行
 其學而已而今廟貌巍峩丹粉華爛兀然坐享其中
 歲時伏臘百姓父老子弟擊磬吹竽列羊豕走祠下
 世世知有黃君其亦驗學之不可不至於信而欲信
 其民其亦有先邪余少嘗有志於四方每欲親民
 事於曲折瑣細以試其萬物一體之求不得為守令
 而為監司雖嘗悉心擬議而條下有司行有不盡如
 意者又恨不得躬致精神以效一得於更踐之所及
 今出君祠下余之不辭為文亦以道吾愧且以告後
 之令鉛者其政績詳載遺愛碑茲不復著君
 諱中別號西野浙之遂昌人今為監察御史

劉之道祠

在學宮後歲久傾圮至慶元五年吳紹古重建久廢今祀鄉賢

趙蕃記論國朝人才之盛者必及於嘉祐為國朝人物之宗者莫尚於歐公鉛山劉公之道擢第於嘉祐而賞其程文者乃吾歐公然則其文與才蓋可知公雖終於著作郎江南幕府而至今語人物者不存遺也至於吾州則又為之先焉始有祠於學後不存邠陽吳紹古子嗣來之明年因諸生請白於其長而復於學涓良酌醴告成如禮慶元五年也嘉定孟秋書來俾記其事惟公以嫡孫承重載於國史見於楊無為作誌銘起俗記念祖箴編於其集行於其鄉且有警於世其他文字亦皆流通而義榮之社義榮之齋至於今昭昭如在雖欲重加藻飾特贅焉爾惟是折不關則後之嘆息仰止未必如今日深且切也自古逮今凡不沒者豈皆不獲用者哉吳君居有家學出有師授嘗作亭續於尉之廨又刻河南夫子之帖於廨之壁又能復公之祠其尚論慕古之意可見不但取其科誦其賦而已也凡我同志其共勉之公諱輝之道其字云

鉛山縣志

卷六

建置 壇廟

三

文孝行祠

程諭記梁文孝帝即昭明太子也廟在池之秀山殿宇樓觀麗甚池人奉事甚謹信之鉛山又有行祠蓋宋宣和中所建歲久頽圮至紹定庚寅春閩寇犯光澤去鉛山纔一嶺游騎闖嶺下先是百里章侯節守備請師制垣人恃以無恐既又乞靈於祠獲嘉應寇果退去侯得神賜節浮費助以私帑撤祠宇而新之以侈神之庥祠殿拜庭門庶階除規度鼎奐廟像森嚴觀者震肅非曩者比矣竊惟鉛山斗大之邑去池幾千里神靈所舍乃不以卑陋為間自夫宣和以來寥寥百有餘歲乃獨於今日著靈垂光以幸茲邑何耶昔文忠蘇公之記韓文公廟也有曰其生也自來其逝也忠蘇公之記韓文公廟也有曰其生也則為鬼神而明則復為人又曰公之神在天下如亦之行地中無往而不在韓文公記柳子厚廟也亦曰生能澤其民死能福之二公皆以文章名世其精神英爽歷世不民矧文孝以帝胄研精覃思游心造物而超然獨立於一世之上其視韓柳氏固大有逕庭則千百年香火之地洋洋乎如在其上如在其左右

其不能忽然也必矣神依人而行者也鉛山舊號難治爲令者汲汲於簿書期會懼不給侯鍵姦馭簷簡節疎日崇大體而急先務政平訟理民用甯一首闕庠校厚餼廩精課試俾爲士者知所趨向創羣賢堂於湖上表先儒發潛德俾後來者有所矜式教行俗成百廢具舉人安之神享之於是隨禱輒應而後文孝之所以昨茲土者尤大彰明於今日豈偶然哉記曰清明在躬志氣如神嗜欲將至有開必先人患不能誠其身信於民耳誠其身而信於民則天且弗違而况於鬼神乎神固非私於侯者也

辛稼軒祠

在崇義鄉宋咸淳間先生游寓此地鄉人慕之立祀焉

謝枋得記 唐虞五臣皆有帝王之才三國英雄僅了將相之事器不大不能以運天下余談稼軒久知其入與同志會於金相寺過其庵可以想見夫器之大夜宿祠堂前公平日爲官但以隻雞斗酒爲膳吾明日奠以隻雞斗酒蜀人謂武侯祠堂不可忘悲其定禍亂興漢室有志而不遂也天地間好功名必待真男子儘多器大者得之吾黨必有成稼軒之志者毋忘此會同志關大猷子遠應君實伯誠虞公著壽

鉛山縣志

卷六

建置 壇廟

三

翁南方應得人王濟仲胡子敬雲晁藍國舉張海潛顏子宗吳志道袁太初林道安周人傑淑貞吳仁壽李仁叔趙平民外有稼軒之孫辛徽慶美如會咸淳七年十月二十三日記

韓侍郎祠

在崇義鄉金和寺旁邑人建以祀南澗韓公

陳總兵祠

在十三都音鏘口正統七年處州賊叛十三年總兵陳榮協同指揮戴禮統兵三千進剿賊聞

風陰計以洋田去其水高燥者注水惑之兩山設伏官兵過半出擊首尾莫救榮墮其計奔入洋田人馬俱陷無一生者只匹馬逃奔至縣署若報信然跳死堦前都人憫榮之忠爲立祠每孟冬朔日祭賽焉 邑人鍾泰詩 雙忠耿耿在煙霞祠畔秋風噪暮鴉千里勤王思報主百年歸夢已無家荒村臘送鄰翁酒野徑春飛故國花從古椒漿酬不盡夜深寒月照天涯 國書編不到山林父老傳聞有古今匹馬汗流趨幕府孤臣血戰濕衣襟沈沙有戟荒苔澀墮淚無碑夜月陰誰把將軍封事上空山不用老夫吟

張曷公祠

在十四都下渠明知縣張曷開渠灌畝民感其德故將社倉爲祠以祀之道光己酉遭回祿次

年重

蔡公祠

明時建有祠宇年久墻屋傾圮僅存故址雍正二年里人潘掄查士鵬張宗銓共捐銀重新其規模

視前加恢

笄公祠

原在北關彭溪橋上五十步許後移西關外舒姓祠堂下今廢附祀晏公廟樓其基址亦附晏公

遺愛祠

在石塘明嘉靖時知縣陳坦開渠築堤地成沃壤崇正時知縣蔡鵬霄重加修築民懷其惠因建祠

並祀之乾隆癸酉里人祝文龍倡捐重修

祝文龍記 邑侯為民父母典利除害澤沛膏流垂之無窮故感戴者愛之如父母歸之如流水焉石塘

為吾邑巨鎮居民雲集前臨巨溪後開大坂多旱潦憂前明嘉靖時邑侯淮安陳公巡行吾里悉心區畫

屬紳耆按戶出資當鎮之上流增石為防長百六十丈濶三丈五尺高二丈名陳公堤有吳副憲記邑乘

即于是放濶口內市民基作溝洫外輔以壩導烏龍潭水由街抵村溉田萬餘畝至今利之崇正丙子晉

鉛山縣志

卷六

建置 壇廟

三

江蔡公莅任復整理疏濬加意舊渠時飢民猖獗都人甚恐公拊循賑濟之俾老幼咸安堵如故里之民

頌二公德弗衰因相與紀功於石揚芬於冊且集通鎮捐金助役構堂於益鎮院鐘樓之右設主奉祀享

以春秋費支堤岸地租店稅之所入悉立簿志之防侵漁也由明迄今百有餘載禮雖未湮祠將就圯風

雨飄搖過者心惻二公雖不眷戀斯土而斯土之欲報二公於萬一者能翹然耶適是歲合鎮修益鎮院

余與焉遂商諸同事庀材興工閱數月棟梁榱桷煥然改觀登斯堂者遺愛如新爰為之銘曰陳公蔡公

實我父母澤潤生民後先繼武日月容光照臨斯土淮安晉江並傳千古

張巡祠

在縣西二十里

昭忠祠

在東關外演武場左咸豐六年被匪焚燬同治九年都司艾連陞率闔營重建首祀嘉慶丙辰赴楚

征教匪陷陣都司廣惠外委周廷棟賞給千總葉振崧兵目祝景元官連陞陳繼麟艾連貴余廷蛟張安

貴黃世珍詹之林鍾元魁王宗仁楊榮吳亮元傅良臣翁殿邦續祀咸豐間征粵匪陷陣都司吳廣生把

總陳炳榮兵目吳廷鰲張步雲劉得貴程守英何勝
朝卽連陞任奉先丁啟發詹啟祥吳添龍陳進喜徐

彪金

節婦祠

勞羅有二俱為
傳崗妻祝氏建

邑侯王之道序不平則鳴舍冤者三年弗雨有感
斯應表節者百世聞風並日月以經天星名婺女凜
冰霜而照地竹號湘妃前明傳節婦者矢志從夫捐
軀殉義堂前花判誤抱羞牌江上波寒甘從泉路鬼
神為之呵護夢現宰官天地於焉感愴咎徵早魃爰
修祀事立沛甘霖奇節若斯古今所罕願事更朝代
名雖顯而墓荒亦人限方隅靈雖著而祠廢特捐鶴
俸俾令鳩工更願同人襄茲盛舉嗚呼沙湧成洲填
海何須啣石神棲有廟登堂共許
祈年道光四年仲冬月上浣譔

鉛山縣志

卷六

建置

壇廟

三

